



اعتصام



۲ — سنه

﴿ واعتصموا . . . ﴾

۷۳ — عدد

۲۹ تیسان
سنه ۱۳۳۶

{ هر پنجشنبه کونی نشر اول نور }

۹ شعبان المعظم
سنه ۱۳۳۸

فتاویٰ شریفه صورتی

سبب نظام عالم اولان خلیفه اسلام ادام الله تعالی خلافته الی یوم القیام حضرت لرینک تحت ولایتلرینده بولنان بلاد اسلامیه ده بعض اشخاص شریره اتفاق واتحاد و کندیلرینه رؤسا انتخاب ایدرک تبعه صادق شاهانه بی حیل و تزویرات ایله اغفال و اضلاله و بلا امر عالی اهلیدن عسکر جمعنه قیام ایدوب ظاهرده عسکری اعاشه و تجهیز بهانه سیه و حقیقتده جمع مال سوداسیه خلاف شرع شریف و مغایر امر منیف برطاقم غرامات و ویرکولر طرح و توزیع و انواع تضییق و اشکنجه لر ایله ناسک اموال و اشیاسی غضب و غارت و بوجهله عباد الله ظلم، اعتیاد و تجریمه جسارت و ممالک محروسه نك بض قرا و بلادینه هجوم ایله تخریب و خاک ایله یکسان و تبعه صادقده نجه نفوس معصومه بی قتل و اتلاف و دماء محفوفه بی سفک و اراقه ایتدکری و جانب امیر المؤمنیندن منصوب بعض مأمورین علمیه و عسکریه و ملکیه بی خود بخود عزل و کندی همباری نصب و مرکز خلافت ایله ممالک محروسه نك مواصلاات و مناقلاات و مخبراتی قطع و طرف دولتدن صادر اولان اوامرک اجراسنی منع و مرکزی دیگر ممالکدن تجرید ایله شوکت خلافتی کسر و توهین قصد ایدرک مقام معلاى امامته اهانت ایتدک طاعت امامدن خروج و دولت علیه نك نظام و انظمامی و بلادک آسایشنی اخلال ایچون نشر اراجیف و اشاعة اکاذیب ایله ناسی فتنه سائق و ساعی بالفساد اولدولری ظاهر و متحقق اولان رؤسای مذبورون ایله اعوان و اتباعی باغیر اولوب طاغولری

حقتده صادر اولان امر عالیدن صکره حالا عتاد وفسادلرنده اصرار ایدرلر ایسه مزبورلرک خبساتلرندن تطهیر بلاد وشر ومضرتلرندن تخلیص عباد واجب اولوب «فقاتلو التی تبغی حتی تنفی» الی امرالله نص کریمی موجبجه قتل وقتاللری مشروع وفرض اولورمی ؟ بیان بیوریله .

الجواب : - الله تعالى اعلم - اولور .

کتابه الفقیر دری زاده السید عبدالله عفی عنهما

بو صورتده ممالک محروسه شاهانده حرب وضرره قدرتلری بولنان مسلمانلر امام عادل خلیفه من سلطان محمد وحیدالدین خان حضرتلرینک اطرافنده طویلا نوب مقاتله ایچون واقع اولان دعوت وامرینه اجابت وبغات مزبورون ایله مقاتله ایچلری واجب اولورمی ؟ بیان بیوریله .

الجواب : - الله تعالى اعلم - اولور .

کتابه الفقیر دری زاده عبدالله عفی عنهما

بو صورتده خلیفه مشار الیه حضرتلری طرفندن بغات مزبورون ایله مقاتله ایچون تعیین اولنان عسکرلر مقاتله دن امتناع وفرار ایلسه لمرمتکب کبیره و آثم اولوب دنیاده تعزیز شدید و عقباده عذاب الیمه مستحق اولورلرمی ؟ بیان بیوریله .

الجواب : - الله تعالى اعلم - اولور .

کتابه الفقیر دری زاده عبدالله عفی عنهما

بو صورتده خلیفه نک عسا کرندن اولوب ده بغاتی قتل ایدنلرغازی وبغات طرفندن قتل اولنانلر شهید ومثاب اولورلرمی ؟ بیان بیوریله .

الجواب : - الله تعالى اعلم - اولورلر .

کتابه الفقیر دری زاده عبدالله عفی عنهما

بو صورتده بغات ایله محاربه حقتده صادر اولان امر سلطانییه اطاعت ایتمدن مسلمانلر آثم وتعزیز شرعییه مستحق اولورلرمی ؟ بیان بیوریله .

الجواب : - الله تعالى اعلم - اولورلر .

کتابه الفقیر دری زاده السید عبدالله عفی عنهما

خط هایون صورتی

وزیر معالیسیرم فرید پاشا

سلفکمز صالح پاشانک وقوع استعفا سی جهتیه مسند صدارت درکار اولان اهلیت ورویتکزه بناء عهد کزه توجیه قلنمش و مشیغب اسلامیہ دخی دری زاده عبدالله بک عهده سنه احاله ایدلشد . قانون اساسینک ۲۷ نجی ماده سی موجبنجه تشکیل ایدیکمز هیئت جدیدہ وکلا تصدیقمره اقراران ایتشد . متارکھنک عقدندن بدأ ایله بالتدریج نقطه صلاحه تقرب ایدن وضعیت سیاسیہ مزی ملت نامی آلتندہ ایقاع ایدیلن اغتشاشات وخیم برحاله کتیرمش و بوکا قارشی شمدی به قدر اتخاذینہ جالیشیلان تدابیر مصلحانہ قائده سر قالمشدر . اخیراً تبارز ایدن وقایعه کوره بو حال عصیانک دوا می معاذالله دها وخیم احواله مصدر اوله بیله جکندن اغتشاشات واقعه نک معلوم اولان مرتب ومشوقلری حقارنده احکام قانونیه نک اجرایی وفقط مقفل اوله رق بو قیامه التحاق واشتراك ایتش اولانلر حقنده عفو عمومی اعلانی و بوتون ممالک شاهانه مزده آسایش وانتظامک اعاده وتأمینی تدابیرینک کمال سرعت وقطعینله اتخاذ واکمالی وبالعموم تبعه صادقہ مزک بو صورته ده مقام خلافت وسلطنته محقق اولان مربوطیت تغیرناپذیرینک تشبیدی وبوجه ایله برابر دول معظمه مؤتلفه ایله صمیمی روابط اطمینانکارانه تأسیسنه ومنافع دولت و مالتک حق وعدالت اساسنه استناداً مدافعه سنه اهتمام اوله رق شرائط صاحبیه نک کسب اعتدال ایتمسنه وصلحک برآن اول عقدینہ صرف مقدرت ایدلسی و او زمانه قدر هر درلو تدابیر مالیہ واقصادیہ توسل ایدیلهرک مضایقه عامه نک مهم امکان نهوینی قطعاً مطلوبه زدر . جناب حق توفیقات الهیہ سنه مظهر بیورسون .

۱۵ رجب ۱۳۳۸ ۵ نیسان سنه ۱۳۳۶

حکومتک بیاننامه سی

دولت عثمانیه بوکون مثلی کورلماش بر مخاطره ایچنده در . اک حقیق معناسیله وطن تهلمکده در . ملت بیلیمیه رک ، ایسته میهرک سوروکلندیکی او دهشتلی محاربه ده مالا و جاناک بیوک فداکارلرله قاتلانیدی حالده نهایت قطعاً مغلوب اولمقدن قورنیله ماش او زمانکی حکومت طرفندن عقد اولنان منارکه ایله غالب دولتره عرض تسلیمیت ایدلش ایدی ، آرتق بو الملی نتیجه دن عبرت آله رق بوندن صکره اولسون عقله و حاله او یغون برسلامت یولی طو تیلی ایدی . فقط بو حقیقت ده لاتی وجهله آکلاشیله مادی . برطاقم کسانک بالکز حرص و منفعت سو قیله تشکیلات ملیه عنوانی آلتنده میدان چقاردقلری فتنه و فساد بر طرفندن وضعیت سیاسی مزه صوک درجه تهلمکلی بر حاله کتیردی . دیگر طرفندن ده محاربه ده اوغرا دیغمز ضایعاتدن و خصوصیه حرب سنلرنده پایلان درلو درلو سوء استعمالات و جنایاتدن طولای درین بر صورتده مجروح اولان وطن مقدسمزه یکیدن یکی به یاره لر آجدی . برطاقم چیرکین حادثه لرده آوروپا و آمریکا افکار عمومیه سنده علمیزده شدتلی بر فکر و جریان پیدا و شرائط صالحیه نک بر قات ده شدتلندیرلمسی مخاطره سی تولید ایدی . نهایت ینه بو احوال تاثیراتیه دول معظمه منارکه احکامی استانبولی موقتاً اشغال عسکری آلتنه آلمق صورتیله ده تطبیق ایتدیلر . بوکا قارشو ارباب عصیانک یا تخت ایله اناطولی آرمنده کی مخاره و مواردی قطعه تشبث ایتلری ایسه اک بیوک بر خیانت وطنیه در . بو حالده تشکیلات ملیه دنیلن حرکات باغیانهم اناطولی قورقوج بر استیلا به اوغرا تمق همده دولتک باشی کوکده سندن آیرمق فلاکتی حاضر لایور . بوکون ملت عثمانیه نک اک بیوک دشمنلری بالانجی ملت دعواسیله شخصی احتراصلرینه وطن و مانی فدا ایدنلدر . بونلرک اویله فلاکتلی برقاقی حاضر لاق ایچون بولدقلری چاره ایسه آغیر بر سلسله جنایاتدر . قانون اساسی و قوانین دولتی آیاقلر آلتنه آله رق اها لیدن جبراً یاره طویلامق ، زجر آ عسکر آلمق ، یاره و برمه یلر و بویله فنا بر مقصدله عسکرلکی قبول ایتمالره اذیت ایتمک ، اولدیرمک ، کویلری باصوب یغما ایتمک ، کویلری حق قصبه لری اورمق

کبی فضاحتلر متوالیاً ایقاع اولمقدهدر. حالبوکه بو افعالک امر الہی بہ منافی و شرع شریف نظرندہ مردود اولدینی صورتی مربوط فتواء شریفہ ایلہدہ مؤیددر .
 وطن عثمانیک دوچار اولدینی درلو درلو مصیبتلرک تعمیری و نفوس و قوت اعتباریلہ اوغرا دیغمز ضایعاتک تلافیسی وجوبندن طولانی حکومت حاضرہ عندندہ بو کون هر فردک حیاتی و سیمی هر زماندن زیادہ قیمتمداردر . بوجهتله حکومت واصل اولمق ایستدیکی مقصد خیر و صلاحہ قان دوکمدن وصولی هر وجهله تصویب ایتمکله برابر دولتک و ملتک حقیقہ تہلکک ایچندہ بولنان حیاتی و سلامتی قورتارمق ایچون بولہ کلینلری شرع شریف و قانون منیف موجبنجه و خطہایون ایلہ تبلیغ اولنان ارادہ سنہ حضرت خلافتیناهیہ امتثالاً تأدیب ایتمکدہ تردد ایتمجه چکدر . بناءً علیہ اولا حرکات عصیانیه نك مرتب و مشوق اولانلرک اغنالات و تهدیداتنه قابیلہرق و یابدقلرینک نتیجه سی نہ قدر و خیم اوله جققی دوشونه میہرک اولنلره اشتراک ایدنلردن برہفتہ ظرفندہ اظهار ندامت و شوکتلو پادشاهمز افندیغز حضرت تلرینہ عرض صداقت ایدیلرک عفو عالی بہ مظهر اوله جقلری ، ثانیاً مرتب و مشوقلرک و اولنلره برابر حرکتدہ عناد ایدمکک اولان عاصیلرک شرعاً و قانوناً تأدیب ایدیلہ چکی و مملکتک هر هانکی جہتندہ اولور ایسہ اولسون کرک اہالی اسلامیه طرفندن صنوف سائرہ اہالی بہ کرک سکنہ غیر مسلمہ طرفندن اہالی مسلمہ بہ قارشو تعدیات و تجاوزات و قوعی حکومتجه هیچ بر وجهله تجویز اولنہ میہ جغندن بوبله بر حال وقوعندہ متجاسر لرینک و او خصوصدہ مسامحہ و یا مشارکتی کوریلانلرک شہ خصماً و شدیداً دوچار مجازات اوله جقلری اعلان اولنور .

۲۰ رجب ۱۳۳۸ — ۱۱ یسان ۱۳۳۶ — بازار



اسلام و خلافت

اسلام بر نوردر. خلافت آندن اقتباس انوار ایتدی. آفاق عالمی سیاه و ازیمچی بر بلوطدن تطہیر و تنزیہ ایدن اسلام، الی الابد ابقای نور رحمت ایچون بوقوتی خلافتہ تودیع الیہددر. خلافتدہ فجر شرف اسلام ایلہ برابر دوغمشدر . خلافتک شرفی اسلامک شرفیدر .